



Foto Flurin Bertschinger

Cantar cun ils Fränzlis da Tschlin ed il Chor Rumantsch Zug

Sonda ils 25 d'october 2014, sala dalla Lorza, Cham ZG

Preziai cantadurs e simpatizants (ad hoc) dil Chor rumantsch Zug

Ils 25 d'october 2014 dat il Chor rumantsch Zug a Cham in concert en cumminonza cun la gruppa « **Fränzlis da Tschlin** ».

Dapi prest trent'onns ein ils Fränzlis sin viadi cun lur musica. Cun lur excepziunals concerts sepresentan els en Svizra ed era egl exterior avon gronds publicums; quei en vastas salas da gimnastica, grondas baselgias, pintgas ustrias, en camonas dad alp e schizun en la Tonhalle a Turitg. Cun cletg ed inschign havein nus saviu carmelar quella enconuschenta gruppa engiadinesa en nossa regiun, quei vul gi per ina sera d'atun, ella biala sala dalla Lorza a Cham.

Nus vegnin a cantar canzuns cumponidas ni arranschadas da nies dirigent d'honor, Dr. Emil Alig per miert e da Giusep Maissen per miert, anteriur scolast el marcau da Cuera. Giusep Maissen ei stau il bab da nies premurau ed anteriur president e cantadur, Peppi Maissen.

Nus selegrein schon ussa sin in concert cun in bi matg da canzuns nunemblideivlas sco: Ad uaul, Reminiscenzas, La Valsugana, A la matina ed aschia vinavon. Seccapescha vegnan ils Fränzlis buca mo a delectar il publicum cun lur bellezias melodias, mobein era cun accumpignar nies chor en in pèr canzuns.

Quei ei bein ina buna caschun per Grischuns ed amitgs dil cant romantsch en la bassa da puspei ina gada saver cantar en in chor pli grond senza gest stuer entrar sco commember activ. Scadin cantadur, pign e grond, che ha plascher da s'engaschar per in tempset en in extraordinari project cultural da cant ei beinvegnius, sco « **cantadur ad hoc** » el Chor rumantsch Zug.

Nossas emprovas han liug mintg' auter gliendisdis dallas 19.30 tochen las 21.00 uras en la sala da cant dalla scola Wiesental a Baar. Suenter mintga emprova stein nus era empau ensemmen tier in sitg ed en buna cameraderia. Duront las vacanzas da scola el cantun Zug havein nus neginas emprovas.

Grond plascher havessan nus seccapescha, sch' era nos amitgs engiadinais anflassen per quei concert cun ils Fränzlis la via tier nus.

Interessents s'annunzian tier nies president, Corsin Derungs, Bahnmatt 17, 6340 Baar, Tel. 079 307 26 37 ni per E-Mail cderungs@bluewin.ch

Nus selgrein sin biaras annunzias!

Per il Chor rumantsch Zug: Corsin Derungs, president

Baar ils 20 d'avrel 2013

- Aschuntau il program annual 2013 dal Chor rumantsch Zug